


9 10 1 2 3 4 5 6 7 8

30


20

1 2 3 4 5 6 7 8 9



論語叢考

三



卷之三

七

口仁12
1676
卷3

論語私考卷第五

之佐

子罕第九

子罕言利。夷命與仁。

包咸曰。罕者希也。於生於無。曰。罕者。不妄。言。利。苟。言。及。利。則。有。往。或。并。與。仁。其。卑。言。利。者。數。希。也。大。家。上。利。者。人。情。所。同。欲。而。得。之。其。不。得。有。金。若。知。有。命。則。利。在。所。不。求。故。大。之。吉。利。則。

論語私考卷第五

子罕第九

土佐山本鸞撰

子罕言利與命與仁。

包咸曰。罕者希也。荻生茂卿曰。子罕言利絕句。言孔子不妄言利。苟言及利。則或併與命。或併與仁。其單言利者幾希也。太宰純曰。利者。人情所同欲。而得之與不得。有命焉。苟知有命。則利在所不求。故夫子言利。則

併與命言之。仁者已欲立而立人。已欲達而達人。立人達人是利人也。君子若能舍己利人。則可以爲仁。是利亦有時乎。爲之。故夫子言利。則併與仁言之。夫子非併與是二者。未嘗言利。

達巷黨人曰。大哉孔子。博學而無所成名。子聞之謂門弟子曰。吾何執。執御乎。執射乎。吾執御矣。

鄭玄曰。達巷黨名也。五百家爲黨。此黨人。

美孔子博學道藝。不成一名而已。聞人美之。承以謙也。吾執御者。欲名。六藝之卑也。朱熹曰。執專執也。太宰純曰。允博學者。以博學成名。多才多藝者。以多才多藝成名。世人皆然。今孔子博學子而無所成名。是德之大。外人不得以博學子稱之。猶堯之蕩蕩卒。民無能名焉。大哉。歎美之稱。博學子而無所成名者。言所以爲大也。吾執御矣。夫子言。吾豈不欲成名哉。吾若成名乎。非射即御。蓋射御。

皆男子之事。而御之職卑。故夫子欲執卑者之事。謙而又謙也。

子曰。麻冕禮也。今也純儉。吾從衆。弁下禮也。今弁上泰也。雖違衆吾從下。

孔安國曰。冕。緇布冠也。古者績麻三十升布以爲之。純絲也。絲易成。故從儉也。朱熹曰。升八十縷。則其經二千四百縷矣。細密難成。不如用絲之省約。泰驕慢也。王肅曰。臣之與君行禮者。下弁然後升成禮。時臣驕

泰故於上弁也。今從一下禮之恭也。

子絕四。毋意。毋必。毋固。毋我。

母音無

朱熹曰。絕無之盡者。太宰純曰。意。意念也。人心無所制。則意念妄堯不可止也。孔子以禮制心。故毋意也。常人不知命。凡事取必於己心。夫子居易俟命。故毋必也。固陋也。人不學。則固。夫子博學於文。故毋固也。我對人之我也。人多自是。而非人。是以不能徒義。夫子舍己從人。故毋我也。

子畏於匡。曰。文王既沒。文不在茲乎。天之將喪
斯文也。後死者。不得與於斯文也。天之未喪
斯文也。匡人其如予何。

喪息浪反下同與音頑

朱熹曰。匡地名。包咸曰。匡人誤圍夫子以爲陽
虎。陽虎嘗累於匡。夫子弟子顏勗時又
與虎俱行。後勗爲夫子御。至於匡。匡人
相與共識勗。又夫子容貌與虎相似。故匡
人以兵圍之。太宰純曰。據史記。此孔子去衛
適陳過匡時事也。索隱曰。匡宋邑也。畏於匡。

△今使我知之

者。言於匡有可畏之事也。文。謂禮樂也。孔
安國曰。茲此也。言文王雖已死。其文見在此。
此自謂其身也。文王既沒。故孔子自謂後死
也。言天將喪此文者。本不當使我知之。未
欲喪也。馬融曰。其如予何者。猶言奈我何
也。天未喪此文也。則我當傳之。匡人欲奈我
何。言其不能違天害己也。

大宰問於子貢曰。夫子聖者與。何其多能也。子
貢曰。固天縱之將聖。又多能也。子問之曰。太宰

知我者乎。吾少也贱，故多能鄙事。君子多平哉？不多也。牢曰：子云。吾不試故執大音泰與音餘皇本我下有者

之字從

孔安國曰：太宰大夫官名也。或吳或宋，未可分也。邢昺曰：鄭云。是吳太宰嚭也。以左傳哀十三年公會吳于橐皋。吳子使太宰嚭請尋盟。公不欲。使子貢對。又子貢嘗適吳。故鄭以爲是吳太宰嚭也。朱熹曰：與者疑辭。大宰蓋以多能爲聖也。縱，猶肆也。言

不爲限量也。皇侃曰：固故也。王充曰：將者且也。包咸曰：我少小貧賤，常自執事。故多能爲鄙人之事。君子固不當多能也。七十二弟子解曰：琴，牢衛人。字子閔。一字子張。鄭玄曰：試用也。言孔子自云。我不見用。故多能技藝也。吳棫曰：弟子記夫子此言之時。子牢因言。昔之所聞。有如此者。其意相近。故併記之。鸞鳴曰：多能即多藝也。大宰譽孔子。而以多能爲聖也。言夫子何其多能。此所

以爲聖與。子貢曰。固天縱之將聖。又多能也。
所以明孔子之德。不在多能。多能其餘
事也。將聖。不敢直稱聖之辭。蓋作者謂
之聖。孔子雖有聖德。不敢自當。故子貢
亦謙以答之。孔子不當作者之聖。而大
宰以多能稱。孔子以爲得其實。故太宰
知我乎。多能鄙事。亦謙辭也。

子曰。吾有知乎哉。無知也。有鄙夫來問於我。
空空如也。我叩其兩端而竭。皇本夫下有來字從之鄭本空空作惶惶

孔安國曰。有鄙夫來問於我。其意空空然。
我則發事之終始兩端。以詰之。竭盡所
知。不爲有愛也。陸德明曰。叩發勤也。邢昺
曰。空空虛心也。荻生茂卿曰。空空與惶惶
同。博雅云。惶惶誠也。鷺曰。蓋有稱孔子爲
多知者。故孔子謙曰。吾豈有知乎。無知也。鄙
夫問於我。叩其兩端而竭焉。故爲知之耳。

子曰。鳳鳥不至。河不出圖。吾已矣夫。夫音符

朱熹曰。鳳靈鳥。舜時來儀。文王時鳴於岐

山河圖。河中龍馬負圖。伏羲時。山皆聖王之瑞也。已。止也。邢昺曰。傷時無明君也。太宰純曰。王者不作。則孔子不得行道。故發此歎。不曰王者不作。而曰鳳鳥不至。河不出圖者。爲時王諱也。

子見齊衰者。冕衣裳者與瞽者見之。雖少者必作。過之必趨。齊音咨。衰七雷反。魯論冕作紲。鄭本作弁。皇本少下有者字。從之。邢昺曰。齊衰。周親之喪服也。言齊月衰。則斬衰從可知也。包咸曰。冕者。冕冠也。大

夫之服也。瞽者。盲者也。作起也。趨疾行也。朱熹曰。衣上服。裳下服。冕而衣裳。貴者之盛服也。荻生茂卿曰。子見齊衰者一句。冕衣裳者與瞽者見之一句。竇曰。瞽者樂師也。孔子見此三者。必作必趨。蓋衰居喪者。貴盛服者。敬爲人師者也。

顏淵喟然歎曰。仰之彌高。鑽之彌堅。瞻之在前。忽焉在後。夫子循循然善誘人。博我以文。約我以禮。欲罷不能。既竭吾才。如有所立卓

爾雖欲從之。末由也已。

邢本忽焉作忽然

何晏曰。喟然歎聲也。循循次序貌誘進也。言夫子正以此道勸進人。有次序也。邢昺曰。彌益也。末無也。朱熹曰。仰彌高。不可及也。鑽彌堅。不可入也。包咸曰。在前在後。言忽悅不可爲形象也。孔安國曰。言夫子旣以文章開博我。又以禮節約我。使我欲罷而不能。已竭我才矣。其有所立。則又卓然不可及。言己雖蒙夫子之善誘。猶不能發

夫_子之所立也。萩生茂卿曰。博我者。博我知見也。約我者。納我於道也。文本合指詩書六藝。則禮在其中。此與禮對言。則禮特謂守諸己者。其實文非外禮而言之也。太宰純曰。此顏淵歎美夫子之德。不可及。不可入。不可捉摸也。夫子循循然善誘人。此顏淵言。賴夫子教導之力。得以進德也。博我以文。約我以禮。是孔子平日教人之方。顏淵自言其所受於夫子也。欲罷不

不能。既竭吾才。乃顏淵之所以爲好學也。
如有所立卓爾。此顏淵重稱夫子之德
也。雖欲從之。末由也已。從猶就也。之字。指
夫子言。欲就夫子所立之處。而此量其德。
而無所由也。

子疾病。子路使門人爲臣。病問曰。久矣哉
由之行詐也。無臣而爲有臣。吾誰欺。欺
天乎。且予與其死於臣之牛也。無寧死
於二三子之牛乎。且予縱不得大葬。予死

於道路乎。

包咸曰。疾甚曰病。鄭玄曰。孔子嘗爲大
夫。故子路欲使弟子行其臣之禮。孔安
國曰。病少差曰間。久矣由之行詐也。言
子路久有是心。非唯今日也。大葬葬君臣禮葬葬
也。朱熹曰。病時不知。既差乃知其事。故言
我之不當有家臣。人皆知之。不可欺也。而
爲有臣。是欺天而已。死於道路。謂棄而
不葬也。馬融曰。無寧。寧也。二三子門人也。

子貢曰。有美玉於斯。韞一匱而藏諸。永善
賈而沽諸。子曰。沽之哉。沽之哉。我待賈
者也。古音

皇侃曰。韞裹之也。馬融曰。匱匱也。沽賣也。得
善賈。寧肯賣之邪。小爾雅曰。諸之牟也。朱
熹曰。子貢以孔子有道不仕。故設此二端
以問也。荻生茂卿曰。賈音古。善賈謂賈
人之善者也。太宰純曰。此章問答皆以
譬喻爲辭也。沽之哉。猶言與君王哉

也哉者深應之辭。賈者即賣人也。夫賣
鬻。商賈之事。人有美玉。欲沽之。而不
得賈人則不售。以君子不可親沽故也。
夫子所謂賈者。寘謂先容之人。
子欲居九夷。或曰陋。如之何。子曰。君子居之。
何陋之有。

馬融曰。九夷。東方之夷。有九種也。君子居
之。何陋之有。君子所居者化也。朱熹曰。
亦來擇浮海之意。

子曰。吾自衛反於魯。然後樂正。雅頌各得其所。

於字從文

皇本反下有

鄭玄曰。反於魯。哀公十一年冬也。是時道衰樂廢。孔子來還乃正之。故曰。雅頌各得其所。

子曰。出則事公卿。入則事父兄。喪事不敢不勉。不爲酒困。何有於我哉。

馬融曰。困亂也。菑生茂卿曰。此亦貴門弟子

之善也。大宰純曰。困卽困于酒食之困。不爲

子在川上曰。逝者如斯夫。不舍晝夜。夫音符
晝音符
捨音符

包咸曰。逝往也。言凡往者如川之流也。邢昺

曰。孔子感嘆時事旣往。不可追復也。大宰純

曰。逝訓往。固也。然往之與來。其義反對。

逝謂往而不返也。不舍晝夜者。言不暫留也。菑生茂卿曰。蓋孔子嘆年歲之

不可返。以勉人及時用力。或於學。或於事親。或於拮据國家。皆爾。

子曰。吾未見好德如好色者也。

朱熹曰。史記。孔子居衛。靈公與夫人同車。使孔子爲次乘。招搖市過之。孔子愧之。故有是言。狄生茂卿曰。好德者。

好有德之人也。

子曰。譬如爲山。未成一篑。止。吾止也。譬如如平地。雖覆一篑。進。吾往也。

包咸曰。築土籠也。朱熹曰。書曰。爲山九仞。功虧一簣。夫子之言。蓋出於此。言山成而而但少一簣。其止者吾自止耳。平地而方覆一簣。其進者吾自往耳。蓋學者自彊不息。則積少成多。中道而止。則前功盡棄。其止其往。皆在我而不在人。

子曰。詰之而不惰者。其回也與。

與音

朱熹曰。惛懈怠也。太宰純曰。詰告詰也。之字指顏淵。聞夫子之言。悅之深信之篤。故

奉行其教命。勤而不惰。所謂好學也。故夫

子稱之。其回也與。言他人莫能及之也。

子謂顏淵曰。惜乎吾見其進也。未見其止也。

邢昺曰。此章以顏回早死。孔子於後歎息之也。

子曰。苗而不秀者有矣夫。秀而不實者有矣夫。夫音符

朱熹曰。穀之始生曰苗。吐華曰秀。成穀曰實。孔安國曰。言萬物有生而不育成者。

行文恐當合上章以爲一章。子曰。後生可畏也。焉知來者之不如今也。四十

五十而無聞焉。斯亦不足畏也已矣。皇本可畏下有也字。章未有矣。字從之上焉。於虔反。

何晏曰。後生謂年少也。朱熹曰。孔子言後生年富力彊。足以積學而有待。其勢可畏。安知其將來不如我之今日乎。然或不

能自勉。至於老而無聞。則不足畏矣。言此以警人。使及時勉學也。曾子曰。五十而不以善聞。則不聞矣。蓋述此意。

子曰。法誥之言。能無從乎。改之爲貴。巽與之言。能無說乎。繹之爲貴。說而不繹。從而不改。吾末如之何也已矣。悅音

孔安國曰。人有過。以正道告之。口無不順。從之能必自改之。乃爲貴也。荻生茂卿曰。法誥之言。先王之法言也。謂之誥者。

如樂誥合誥之誥。馬融曰。巽恭也。謂恭巽謹敬之言。聞之無不說者。能尋繹行之。乃爲貴也。皇侃曰。言有彼人不遜。而我謙遜。與彼恭言。故云遜與之言也。太宰純曰。巽與之言。巽與遜通。蓋恭遜相與之言也。末無也。朱熹曰。說而不繹。則不足以知其微意之所在。從而不改。則面從而已。

子曰。主忠信。毋友。如不已者。過則勿憚改。作無皇本母

朱熹曰。重出而逸其半。

子曰。三軍可奪帥也。匹夫不可奪志也。

孔安國曰。三軍雖衆。人心不一。則其將帥可奪而取之。匹夫雖微。苟守其志。不可得而奪也。邢昺曰。士大夫已上有妾媵。庶人賤。但夫婦相匹配而已。故曰匹夫。

子曰。衣敝縕袍。與衣狐貉者立。而不恥者。其由也與。陸本敝作弊與音餘

孔安國曰。縕枲著也。邢昺曰。縕袍。衣之賤

者。狐貉。衣之貴者。朱熹曰。袍。衣有著者也。不忮不求。何用不臧。子路終身誦之。子曰。是道也。何足以臧。

馬融曰。忮害也。臧善也。言不忮害。不貪求。何用爲不善。疾貪惡忮害之詩也。何足以臧。臧善也。尚復有美於是者。何足。善也。邢昺曰。此詩邶風雄雉之篇。廿秋生茂卿曰。子路所謂者小矣。故孔子譏之。

所以進子路也。舊與上章合爲一章。今詳不收以下。自別事。當分之。太宰純曰。上三句記者之言也。是道也。此道道字輕。言此道未足以爲善也。非謂此是道也。

子曰。歲寒。然後知松柏之後彌。

陸德明曰
彌當作凋

何晏曰。大寒之歲。衆木皆死。然後知松柏之小彌傷。平歲則衆木亦有不死者。故須歲寒而後別之。喻凡人處治世。亦能自脩整。與君子同在濁世。然後知君子

之正。不苟容也。

子曰。知者不惑。仁者不憂。勇者不懼。知音

智

鸞曰。知者明於事。故不惑也。仁者安於命。故不憂也。勇者勇於義。故不懼也。蓋單言仁。則兼知勇。與知勇相對。則各以其性之大德言之。

子曰。可與共學。未可與適道。可與適道。未可與立。可與立。未可與權。

朱熹曰。可與者。言其可與共爲此事也。孔安國曰。適之也。程頤曰。權稱錘也。所以稱物而知輕重者也。可與權。謂能權輕重使合義也。鸞曰。可與共學。謂志於道者也可與適道。謂能進而一於道者也。可與立。謂立於道者也。如三十而立。權者。謂行已中道。得時措之宜也。

唐棣之華。偏其反而。豈不爾思。室是遠而。

子曰。末之思也夫。何遠之有。

春秋繁露唐作棠晉書偏作翩夫音符

何晏曰。逸詩也。唐棣。桺也。朱熹曰。唐棣郁李也。而詰助也。此逸詩也。於六義屬興。上兩句無意義。但起下兩句之辭耳。其所謂爾。亦不知其何所指也。太宰純曰。古注以此連上章。朱熹分此爲一章是也。按小雅角弓云。騤騤角弓。翩其反矣。此章偏字。當從晉書作翩。反與角弓之反同。亦其形也。陸德明一讀夫字屬上句。是也。鸞曰。翩其反而者。花形翩然反。

也。未之思也。夫。何遠之有。孔子譏詩人
之不情也。

鄉黨第十

孔子於鄉黨恂恂如也。似不能言者。其在
宗廟朝廷。便便言。唯謹爾。朝與下大
夫言。侃侃如也。與上大夫言。訚訚如也。君
在。跋踏如也。與與如也。

朱熹曰。似不能言者。謙卑遜順。不以賢
知先人也。鄉黨。父兄宗族之所在。故孔

子居之容貌辭氣如此。朝與下大夫言。
此君未視朝時也。王肅曰。恂恂溫恭敬貌。
君在。君出視朝也。跋踏恭敬貌。與與
威儀中適之貌。邢昺曰。允言如也者。
皆謂如此義也。鄭玄曰。便便言。辨貌。
雖辨而敬謹。孔安國曰。侃侃和樂貌。
閭閻中正貌。太宰純曰。注疏自篇首至
與與如也。爲一節是也。
君召使擯。色勃如也。足蹠如也。揖所與立。

左右其牛。衣前後襜如也。趨進翼如也。賓退必復命曰。賓不顧矣。皇本牛上有其字從文

邢昺曰。擯謂主國之君。所出接賓者也。趨進翼如也。謂疾趨而進。張拱端正如鳥之張翼也。孔安國曰。勃變色貌。復命白賓已去也。包咸曰。蹠盤辟貌。朱熹曰。色勃如也。足蹠如也。皆敬君命故也。所與立謂同爲擯者也。擯用命數之半。如上公九命。則用五人。以次傳命。禮整

貌鄭玄曰。揖左人。左其牛。揖右人。右其牛。一俛一仰。故衣前後襜如也。金匱祥曰。賓不顧矣。此時禮辭也。聘禮。賓出。公再拜送。賓不顧。古者賓禮畢而出。卽不回顧。主人送軼之。亦不回顧。示易退之義。故皆曰賓不顧。當時辭令。遂謂賓去爲不顧也。

入公門。鞠躬如也。如不容。立不中門。行不履闔。過位。色勃如也。足蹠如也。其言似不足者。

攝齊升堂。鞠躬如也。屏氣似不息者。出降一等。逞顏色怡怡如也。沒階趨進翼翼如也。復其位。踧踖如也。

皇侃曰。鞠曲斂也。邢昺曰。君門雖大。斂身如狹小。不容受其身也。中門謂棖闈之中央。君門中央有闌。兩旁有棖。棖謂之門柱。棖闈之中。是尊者所立處。故人臣不得當之而立也。行不履闌。出入不得踐履門限。所以爾者。一則自高。二

則不淨並爲不敬。過位謂門屏之間。人君寧立之處。孔安國曰。闔門限也。衣下曰齊。攝齊者。樞衣也。逞顏色怡怡如也。先屏氣。下階舒氣。故怡怡如也。沒盡也。下盡階也。朱熹曰。過位色勃如也。君雖不在過之必敬。不敢以虛位而慢之也。言似不足者。不敢肆也。屏藏也。息。翕忽出入者也。近至尊。氣容肅也。等。階之級也。逞放也。怡怡。和悅也。趨。走就位也。復位

踧踖。敬之餘也。鄭玄曰。齊謂裳衣下緝也。陸德明曰。沒階趨。一本作沒階趨。進誤也。執圭。鞠躬如也。如不勝。上如揖。下如授。勃如戰色。足蹜蹜。如有循。享禮。有容色。私覲。愉愉如也。魯論下
作趨

朱熹曰。主。諸侯命主。聘問鄰國。則使大夫執以通信。如不勝。主噐。執軒如不克。敬慎之至也。上如揖。下如授。謂執圭平衡。手與心齊。高不過揖。卑不過授也。戰

色戰而色懼也。蹜蹜舉足促狹也。如有循。記所謂。舉前曳踵。言行不離地。如綠物也。有容色。和也。儀禮曰。發氣滿容。鄭玄曰。享。獻也。聘禮。既聘而享。享用圭璧。有庭賓也。覲。見也。既享。乃以私禮。見。愉。顏色和也。

君子不以紺緞飾。紅紫不以爲斂服。當暑。袗緺綿。必表而出之。緺衣羔裘。素衣麑裘。黃衣狐裘。喪衣長短右袂。必有

寢衣長一身有半。狐貉之厚子以居。去裏無所。不佩。非帷裳。必殺之。羔裘玄冠。不以序。吉月必朝服而朝。

皇本祫作幘。陸本作紓。出下無之字從文

邢昺曰。君子謂孔子也。說文曰。紺帛深青揚赤色。考工記曰。三入爲縑。五入爲紺。鄭玄曰。染縑者三入而成。又再染以黑。則爲紺。紺今禮俗文作爵。言如爵頭色也。飾謂純綠也。帷裳謂朝祭之服。其制正幅如帷也。非者謂餘衣也。殺之者削其

幅。使縫齊倍腰者也。王肅曰。藝衣服私居服。非公會之服也。皇侃曰。縝單也。絲細練葛也。紿大練葛也。太宰純曰。山謂出行及接賓也。邢本朱本皆衍之字。朱熹曰。緇黑色。羔裘用黑羊皮。鹿皮子。色白。狐色黃。衣以褐裘。欲其相稱。狐貉之厚。以居。狐貉毛深過羣子。私居取其適體。孔安國曰。必表而出。加上衣也。藝裘裘長。短右袂。私家裘衣長。主溫也。短右袂者。便作

事也。寢衣今被也。去喪無所不佩。去除也。
非喪則備。佩所宜佩也。羔裘玄冠。不以弔。
喪主素。吉主玄。吉凶異服。故不相弔。吉月
月朔也。朝服皮弁服也。鸞曰。按古正服
皆有禮制。不可以私好亂其色。喪服則
宜從吾好然。故孔子不以紺緘飾者。喪服之
飾也不以紺緘者。非爲齊服練服之
故也。孔安國云。紺齊服盛色。一入曰緘。三
年練。以緘飾衣。朱熹因之。以緘爲絳。

色。今考之。爾雅曰。一入曰縑。禮三年練。以
縑爲深衣領緣。不云用緘。未知孔氏之說
何所據也。紅紫不以爲喪服。亦非惡間
色不用之也。且王藻。玄冠紫縷。自魯桓
公始也。註。蓋僭宋王者之後服也。然則
正服亦用紫。孔子之不用此四色。蓋其不
好史與。又有故而不用之與。千歲之下。
不能知其意。不強爲之解而可也。程子
以必有寢衣爲錯簡。不必然也。去喪無

所不佩者。古之君子必佩玉。以比德唯喪
否。無所不佩謂恒佩之。非觴礪之屬亦
皆佩也。

齊必有明衣布齊必變食居必遷坐

側

反皆

孔安國曰。以布爲沐浴衣也。變食改常
食也。遷坐易常處也。

食不厭精。膾不厭細。饁而鷄魚餚。而
肉敗。不食。色惡。不食。臭惡。不食。失飮。

不食。不時。不食。割不正。不食。不得其醬。不
食。肉雖多。不使勝食氣。惟酒無量。不及
亂。沽酒市脯。不食。不撤薑食。不多食。祭
於公。不宿肉。祭肉不出三日。出三日不食之
矣。食不詰。寢不言。雖疏食菜羹。粢必
齊如也。

食不厭精之食音嗣下食饁食氣疏食同饁
又作斂說文氣作既沽音古魯論粢作必齊

陸德明曰。食不厭精。食飯也。邢昺曰。膾不
厭細。牛與羊魚之腥。耳聾而功之爲膾。沽酒

反皆

市脯不食。沽賣也。酒不自作。未必精潔。脯不
自作。不知何物之肉。故不食也。孔安國曰。
魚毀曰餕。失飪。失生熟之節也。撤去也。
不多食。不過飽也。齊如也者。齊嚴敬貌。
三物雖薄。祭之必敬也。朱熹曰。精鑿也。不
厭。言以是爲善。非必欲如是也。饁。飯傷
熟溫也。餳。味變也。色惡臭惡。未敗而
色臭變也。不時。五穀不成。果實未熟之
類。不得其醬。不食。食肉用醬。各有所宜。

不得則不食。不使勝食氣。食以穀爲主。
故不使肉勝食氣。祭必齊如也。古人飲
食。每種各出少計。置之豆間之地。以祭
先代始爲飲食之人。不忘本也。江熙曰。
殺不以道。爲不正。周生烈曰。不宿肉。助祭
於君。所得牲體。歸則以領賜。不留神惠
也。蘇生茂卿曰。亦及亂。以失威儀爲亂。
不撤薑食。蓋孔子嗜薑。如文王嗜昌
歎。曾哲嗜羊羨。祭肉不出三日。出三日

不食之矣。此傳論語者之言。誤入正文也。
食不語。語如合語樂語之語。謂語言
方食之時不謚。食訖乃語。尊道也。雖
疏食菜羹。瓜絶句。朱子從陸氏。瓜作
必非矣。陸氏所見魯論。必寫誤耳。鸞
曰。不多食。允食。不多食也。寢不言。就
寢而言。失禮也。

席不正不坐。

皇侃曰。舊說云。鋪之不周正。則不坐。

鄉人飲酒。杖者出斯出矣。鄉人讌。朝服而
立於阼階。魯論灘作獻

孔安國曰。杖者。老人也。鄉飲酒之禮主
於老者。老者禮畢出。孔子從而出也。讌。
驅逐疫鬼也。恐驚先祖。故朝服而立
於廟之阼階也。邢昺曰。鬼神依人。庶其
依已而安也。所以朝服者。大夫朝服以祭。故
祭服以依神也。朱熹曰。六十杖於鄉。未出。不

敢先既出。不敢後。

問又於他邦。再拜而送之。康子饋藥。再而受之。曰。丘未達。不敢嘗。

皇本再拜下無而字陸德明曰再拜而受之本無而之

字

孔安國曰。再拜使者敬也。丘未達。不敢嘗。未知其故。不嘗禮也。邢昺曰。問猶遺也。謂因問有物遺之也。大宰純曰。康子。季康子也。不敢嘗。記者之辭。孔子未知季孫所以饋藥之故。豈敢違禮。而妄嘗之哉。荻

生茂卿曰。古者無饋藥之禮。以其毒也。嘗者。對其使而嘗少許。以示不虛其賜。既焚。子退朝曰。傷人乎。不問馬。

邢昺曰。既焚。孔子家既被火也。鄭玄曰。退朝者。自魯君之朝來歸也。大宰純曰。不問馬。記者之辭。鬻曰。孔子先問人。故記者曰。不問馬。問人之後。宜馬亦問。非必不問馬也。

君賜食。必正席先嘗之。君賜腥。必熟而薦。

之。君賜生必畜之。侍食於君。君祭先飯疾。
君視之。東首加朝服。拖紳。君命召。不俟
駕。行矣。魯論生作牲
陸本拖作也

孔安國曰。必正席者。敬君之惠也。旣嘗之。
乃以頌賜也。薦其祖先也。朱熹曰。食恐
或餂餘。故不以薦。腥。生肉也。鄭玄曰。於君
祭則先飯矣。若爲君嘗食然也。不俟駕
行。急趨君命也。出行而車旣駕。隨之包
咸曰。夫子疾處南牖之下。東首加其

朝服。拖紳。紳大帶。不敢不衣朝服見君
也。邢昺曰。拖。加也。俟。猶待。荻生茂卿曰。按玉
藻曰。君子之居。恒當戶。又曰。寢。恒東首。蓋
古人室制。戶在東南。東首取鄉明也。君
來視之。故正其禮也。鸞曰。君賜生必畜
之。重君之賜。無故不敢殺也。

入大廟每事問。

鸞曰。此章見八佾篇者。錄者之所主。在
或曰以下。此篇則唯記孔子入大廟事。故

不載或曰以下非重山也。

朋友死無所歸於我殯朋友之饋雖車馬非祭肉不斂。

胡泳曰古者三日而殯三月而葬但曰殯而不曰葬則其親者在遠必訃告之未及故也太宰純曰意者夫子朋友有館於孔氏者死而無所歸故夫子有是言也邢昺曰於我殯與之爲喪主也孔安國曰不斂者有通財之義也

荅生茂卿曰

祭肉必斂者敬神也雖妻祭必斂寢不戶居不容見齊衰者雖狎必變覓冕者與瞽者雖喪必以貌凶服者式之式負版者有盛饌必變色而作迅雷風烈必變

陸本容作容鄭本冕作弁

荅生茂卿曰寢內寢也戶謂祭祀之戶也禮坐如戶惟在內寢則否式負版者此亦傳論語者之言誤入正文也負版喪服之之負版也孔安國曰居不容爲室家之敬難久也狎者素親狎也凶服者送死

之衣物也。變色而作。作起也。敬主人之親饋也。太宰純曰。居不容。居燕居不容。乃所謂申申矢矢也。變者。謂變色容也。朱熹曰。容。容儀也。袞。謂襟見貌。謂禮貌迅疾也。烈。猛也。禮記曰。若有疾風迅雷甚兩。則必變。雖夜必興。衣服冠而坐。邢昺曰。式者。車上之橫木。男子立乘。有所敬。則俯而憑式。遂以式爲敬名。鸞曰。迅雷風烈必變。慎天變也。

升車必正立執綏。車中不內顧。不疾言。不

親指。

魯論車中下無不字

周生烈曰。必立執綏。所以爲安也。邢昺曰。綏者。挽以車之索也。顧。迴視也。包咸曰。車中不內顧者。前視不過衡輶。傍視不過轔轂也。皇侃曰。內猶後也。

色斯舉矣。翔而後集。曰。山梁雌雉。時哉時哉。子路共之。三嗅而作。

陸本無一時哉

邢昺曰。梁。橋也。作起也。晁說之曰。石經嗅作

憂。謂雉鳴也。劉勉之曰。喚當作臭。古閩反。
張兩翅也。見爾雅。鸞曰。色者。雌雉之色也。
色斯舉矣者。謂疾舉也。時者。春之時也。也。
共。讀爲拱也。言孔子出行。孔子出行。子
路從。時是春。偶見雌雉集于山梁。有所
感於心。歎其得時。子路聞孔子之歎。拱
手而立。則雉乃三張兩翅而起也。蓋孔子
不能得時而行道。故有此歎。

論語私考卷第五

終

論語私考卷第六

土佐 山本鸞 撰

先進第十一

子曰。先進於禮樂。野人也。後進於禮樂。君
子也。如用之。則吾從先進。

孔安國曰。先進後進。謂士先後輩也。荻生茂
卿曰。先進於禮樂。野人也。後進於禮樂。君
子也。是時人或先輩之言。而孔子稱之。先
進後進。皆以周人言之。此曰於禮樂。曰如用

之則以人之爲禮樂言之。蓋世人徒以禮樂爲美觀。而不知其義所在。務備其物。以後其數。謂爲君子。至於先進之士。如晏子其國奢。而示之以儉者。賤以爲野人。故孔子曰。吾從先進。鸞曰。上舉時人之言。下曰。吾從先進者。所以正時人之謬也。

子曰。從我於陳蔡者。皆不及門也。德行。顏淵。閔子騫。冉伯牛。仲弓。言語。宰我。子貢。政事。冉有。季路。文學。子游。子夏。

朱熹曰。孔子嘗厄於陳蔡之間。弟子多從之者。此時皆不在門。故孔子思之。蓋不忘其相從於患難之中也。弟子因孔子之言。記此十人。而并目其所長。分爲四科。孔子教人。各因其材。於此可見。荻生茂卿曰。四科乃四教之所成。德行。行也。文學。文也。言語。尚信。政事。尚忠。孔子以四教。其所成人才。亦不過此四科而已。鸞曰。及如女及日乎。閨門之内及也。昔日從陳蔡者。

或死或之四歲。不能長在此。而及於今日
之孔門也。

子曰。回也非助我者也。於吾言無所不說。說音悅孔安國曰。助猶益也。言回聞言即解。無可發起增益於已也。朱熹曰。助我。若子夏之起予。因疑問。而有以相長也。顏子於聖人之言。默識心通。無所疑問。故夫子云然。其辭若有憾焉。其實乃深喜之。

子曰。孝哉闵子騫。人不間於其父母昆弟。

之言。

間古
見反

邢昺曰。間謂非毀間廁。太宰純曰。方弘靜
千一錄曰。孝哉闵子騫。似非夫子語。夫
子未嘗稱七十子字也。疑子曰上落一字
耳。按此亦一說。意者此章是曾子若有
子之言歟。鸞曰。父母昆弟稱其孝。人無
間然。

南容三復白圭。孔子以其兄之子妻之。

三息
贊友

妻七
細反

孔安國曰。詩云。白圭之玷尚可磨也。斯言之玷。不可爲也。南容讀詩至此。三反覆之。是其心慎言也。邢昺曰。此卽邦有道不廢。邦無道免於刑戮者也。弟子各記所聞。故又載之詩。大雅抑篇。

季康子問。弟子孰爲好學。孔子對曰。有顏淵者好學。不幸短命死矣。今也則亡。未聞好學者也。陸本無季字。皇本章末有未聞好學者也。六字從之

鸞鳴曰。哀公康子問。同而對有詳略者。

無異義。孔子對。偶有詳略耳。

顏淵死。顏路請。子之車以爲之椁。子曰。才不才亦各言其子也。鯉也死。有棺而無椁。吾不徒行以爲之椁。以吾從大夫之後。不可徒行也。皇本吾不下有可二字不可上有吾以二字

家語曰。顏回年二十九而髮白。三十一年死。七十二弟子解曰。顏由。顏回父。字季路。孔安國曰。家貧。故欲請孔子之車。賣以作椁。鯉。孔子之子伯魚也。孔子時爲大夫。言從大

夫之後。不可以徒行。謙辭也。朱熹曰。椁外棺也。才不才亦各言其子也。言鯉之才。雖不及顏淵。然已與顏路以父視之則皆孚也。邢昺曰。徒行。步行也。鸞鳴曰。孔子之言。實以止顏路之欲厚葬辭也。

顏淵死。子曰。噫。天喪予。天喪予。喪於其反包咸曰。噫。痛傷之聲也。王充曰。此言人將起。天與之輔。人將廢。天奪其祐。顏淵早矣。故曰天喪予。

顏淵死。子哭之慟。從者曰。子慟矣。子曰。有慟乎。非夫人之爲慟。而誰爲慟。

皇本曰。慟乎上有子字。韻末有慟字從之夫音

符爲于僞及論衡作告
非斯人之慟而誰爲

馬融曰。慟哀過也。孔安國曰。有慟乎。不自知已之悲哀過也。朱熹曰。夫人謂顏淵。言其死可惜。哭之宜慟。非他人之此也。

顏淵死。門人欲厚葬之。子曰。不可。門人厚葬之。子曰。回也視予猶父也。予不得視猶子也。非我也。夫。二。三。子。也。

符音

太宰純曰。門人。孔子門人也。何晏曰。禮貧富各有宜。顏淵家貧。而門人欲厚子葬。故不聽也。朱熹曰。非我也。夫二三子也。歎不得如葬鯉之得宜也。鸞鳴曰。夫字屬上。孔子言不得視顏回。猶視子者。非我之由。二三子之所爲也。此所以責門人也。按因顏路請車以見之。則厚葬此顏路之意。而門人從之。孔子之責門人。實所以責顏路也。

季路問事鬼神。子曰。未能事人。焉能事鬼。曰。敢問死。曰。未知生。焉知死。焉於處反下同皇本敢問下有事字陳群曰。鬼神及死事。難明。詰之無益。故不答也。鸞鳴曰。鬼神及死幽也。人及生。明也。知明之至。可以知幽矣。且鬼神不可測者也。死不可言者也。不務知明以務知幽。則不唯無益。而却惑焉。季路之心。在知鬼神。故孔子答之如此。所以抑之也。

閔子侍側。閔閔如也。子路行行如也。冉有子

貢侃侃如也。子樂。曰若由也。不得其死然。

皇本
閔子

下有騫字行胡浪反皇本冉有作冉
子樂音洛皇本若上右字從之

鄭玄曰。子樂者。樂各盡其性也。行行。剛強之貌也。孔安國曰。不得其死然。不得以壽終也。邢昺曰。然猶焉也。太宰純曰。侍側二字。統言。通下三子。按孔子嘗觀子路行行剛強。非所以免害於亂世。故言此以警之。鸞曰。閔門。侃侃。說見于鄉黨篇。

魯人爲長府。閔子騫曰。仍舊貫。如之何。必改

作。子曰。夫人不言。言必有中。

魯論仍作仁貫古亂反夫音符中涉

仲反
鄭玄曰。長府藏器也。藏貨曰府。仍因也。貫事也。因舊事則可。何乃復更改作。王肅曰。言必有中者。善其不欲勞民改作。荻生茂卿曰。不言。謂不言政事也。騫曰。中者。謂合於道也。

子曰。由之鼓瑟奚爲於丘之門。門人不敬子路。子曰。由也升堂矣。未入於室也。

皇本瑟上有鼓字從之

馬融曰。言子路鼓瑟不合雅頌也。邢昺曰。奚
何也。朱熹曰。門入以夫子之言。遂不敢子路
故夫子釋之。太宰宰純曰。所謂北鄙殺伐之聲
不足於中和。故孔子譏之。事見家語。升堂
入室。喻聞道之淺深也。

子貢問師與商也孰賢。子曰：「師也過，商也不及。」曰：「然則師愈與？」子曰：「過猶不及也。」

音餘皇本章末有也字從之

字賢下有孚字愈以主反與
音餘皇本章末有也字從之

下有
曰

曰。子張才高意廣。而好爲苟難。故常過中。
子夏篤信謹守。而規模狹隘。故常不及。
季氏富於周公。而永也爲之聚斂。而附益之。
子曰。非吾徒也。小子鳴鼓而攻之可也。
爲于偽
反皇本

附益文作

孔安國曰。周公。天子之宰卿士也。冉末爲季氏宰。爲之急賦稅也。朱熹曰。非吾徒絕之也。王充曰。攻者責也。責讓之也。鄭玄曰。小子門人也。鳴鼓聲其眾以責之也。太宰純

曰。按周公子孫在周世爲卿士。襲號周公。
春秋所謂周公是也。可者。言無不可。夫
子時宣揚其罪云爾。非令小子之辭也。
柴也愚。參也魯。師也辟。由也嗁。子曰。圃也
其庶乎。屢空。賜不受命而貨殖焉。億則
屢中。

皇本植作意中。傳仲反。億作植史記

七十二弟子解曰。高柴。齊人高氏之別族。字
子羔。何晏曰。愚愚直也。孔安國曰。魯。鈍也。
曾子性遲鈍。馬融曰。子張才過人。失在邪

僻文過。鄭玄曰。子路之行。失於畔。嘆。王弼曰。
嘆剛猛也。邢昺曰。舊注作吸。嘆。字書。吸
嘆失容也。言子路性行剛彊。常吸嘆。失於禮容
容也。言子路性行剛彊。常吸嘆。失於禮容
也。朱熹曰。庶近也。言近道也。屢空。數至空
匱也。言其近道。又能安貧也。命謂天命。
貨殖。貨財。生殖也。億意度也。王充曰。子
貢善居積。意貴賤之期。數得其時。故貨
殖多富比陶朱。荻生茂卿曰。此章與賜也。

達。由也果。求也藝者殊焉。彼稱諸外。故揚其善。此稱諸內。故言其失以使自知之。或使朋友傳之耳。吳棫曰。此章之首。脫子曰二字。或疑下章子曰。當在此章之首。通爲一章。太宰純曰。夫子稱六子之名而論其性行。更無異義。故知其本一章。而子曰二字。闕之章首。而衍之中間。無疑。

子張問善人之道。子曰。不踐迹。亦不入於

室。

孔安國曰。踐循也。言善人不循追舊迹而已。亦多少能創業。亦不能入於聖人之奧室也。荻生茂卿曰。孔子嘗以聖人並言。可見豪傑之士。如管仲輩是也。故孔安國以創業言之。踐迹。如王者之迹。王迹。蓋先王禮樂。有所以純理天下者存焉。是王者已行之舊迹。故曰之迹。如管仲爲仁於天下。不循聖人之迹。變化縱橫。或似

能入聖人之間奧。故孔子斷以不入室耳。如孟子可欲之謂善。亦謂其爲天下之人所好也。

子曰論駕是與君子者乎。色莊者乎。輿如朱熹曰。言但以其言論駕實而與之。則未如其爲君子者乎。爲色莊者乎。言不可以言貌取人也。太宰純曰。色莊謂矜持爲莊。有君子之容。而無其德者也。子路問聞斯行諸。子曰。有父母在。如之何。其

聞斯行之。冉有問聞斯行諸。子曰。聞斯行之。公西華曰。由也問聞斯行諸。子曰。有父兄在。求也問聞斯行諸。子曰。聞斯行之。赤也惑。敢問。子曰。求也退。故進之。由也兼人。故退之。其聞

斯行之下
有也字

小爾雅曰。諸之孚也。孔安國曰。赤也惑。惑其問同而答異也。鄭玄曰。言冉有性謙退。子路務在勝尚人。各因其人之失而正之。太宰純曰。兼人謂兼人之所爲也。

子畏於匡。顏淵後。子曰。吾以女爲死矣。曰。子在。回何敢死。汝音

孔安國曰。言與孔子相失。故在後。包咸曰。言夫子在已無所敢死也。鸞鳥曰。顏子之心在共死生也。

季子子然問。仲由冉求可謂大臣與。子曰。吾以子爲異之間。曾由與求之間。所謂大臣者。以道事君。不可則止。今由與求也可謂具臣矣。曰然則從之者與。子曰。弑父與君

亦不從也。

臣與者與之與並音餘陸本弑作殺

孔安國曰。季子子然。季氏之子弟也。自多得臣此二子故問之也。吾以子爲異之間謂子問異事耳。則此二人之間安足爲大臣乎。可謂具臣矣。言備臣數而已。弑父與君亦不從也。言二子雖從其主。亦不與爲大逆也。朱熹曰。曾由與求之間。曾。猶乃也。輕二子以抑季子然也。然則從之者與。意二子既非大臣。則從季氏之所爲而已。弑父與

君亦不從也。言三字雖不足於大臣之道。然君臣之義則聞之熟矣。弑逆大故必不從之。蓋深許之。以死難不可奪之節。而又以陰折季氏不臣之心也。

子路使子羔爲費宰。子曰。賊夫人之子。子路曰。有民人焉。有社稷焉。何必讀書然後爲學。子曰。是故惡夫佞者。夫音符下同
惡鳥路反

朱熹曰。子路爲季氏宰。而舉之也。萩生茂卿曰。夫人子者。少之之辭。包咸曰。子羔學

未熟習。而使爲政。所以爲賊害人之子也。太宰純曰。賊夫人之子者。子產所謂。猶未能操刀。而使割也。其傷寘多者。是也是。故惡夫佞者。孔子不敢責子路之失言。而徒告之如此。蓋君子居恒惡佞者。爲其禦人以口給也。夫子言此。所以使子路思之。而自知其過也。孔安國曰。有民人焉。有社稷焉。言治民事神。於是而習亦學也。是故惡夫佞者。疾其以口給應。遂已。

非而不知窮者也。

子路曾晳冉有公華侍坐。子曰。以吾一日長乎爾。毋吾以也。居則曰。不吾知也。如或知爾。則何以哉。子路率爾而對曰。千乘之國。攝乎大國之間。加之以師旅。因之以饑饉。由也爲之。比及三年。可使有勇且知方也。夫子哂之。冉爾何如。對曰。方六七十如五六十。求也爲之。比及三年。可使足民也。如其禮樂。以俟君子。赤爾何如。對曰。非曰能之。願學于焉。宗廟

之事。如會同。端章甫願爲小相焉。點爾何如。鼓瑟希。鏗爾舍瑟而作。曰。異乎三者之撰。子曰。何傷乎。亦各言其志也。曰。莫春者。春服既成。冠者五六人。童子六七人。浴乎沂。風乎舞雩。詠而歸。夫子喟然歎曰。吾與點也。三子者出。曾晳後。曾晳曰。夫三子者之言何如。子曰。亦各言其志也已矣。曰。夫子何哂由也。曰。爲國以禮。其言不讓。是故哂之。唯求則非邦也與。安見方六七十如五六十而

非邦也者。唯赤則非邦也與。宗廟會同。非諸侯而何。赤也爲之小。孰能爲之大。

長竹文反皇本母作無鄭

本以也作已也。饑作飢。比必利反下同。皇本民下有也字從之相息亮反舍音捨撰士免反鄭本作僕。陸本志下無也字。莫音暮。皇本冠上有得字。鄭本歸作饋。論衡同夫三子者之夫音符。皇本曰爲國上有子字。莊邦也與文與音餘下同。陸本安作焉。皇本下宗廟下有文事如三字而何作如之何。

七十二房子解曰。曾點。曾參父。字子晳。太宰純曰。侍坐。謂侍於孔子之座也。吾一日長乎爾。言吾生先汝一日也。此謙辭也。爾汝也。指四子。下文如或知爾。永爾何如赤爾。

何如點爾。何如四爾。字皆訓汝。千乘國。以春秋之時言之。如魯衛宋陳是也。千乘亦大槩言之。大國。在春秋。如齊楚晉秦是也。比及三年。言不出三年也。莫春。恐以夏時言之耳。經傳亦有然者也。吾與點也。蓋曾點狂者。知時不可爲而能不爲。與夫處畎畝之中。而樂堯舜之道者。同其歸。故夫子與之。孔安國曰。以吾一日長乎爾。毋吾以也。言我問女。女無以我長故難對也。居

則曰不吾知也。如或知爾。則何以哉。女常居云人不知已也。如有用女者。則以爲治乎。可使足民也。如其禮樂。以俟君子。求自云。能足民而已。謂衣食足也。若禮樂之化。當以待君子。謙之辭也。鼓瑟希。鏗爾舍瑟而作。對曰。異乎三子者之撰。思所以對。故其音希也。鏗爾者。投瑟之聲也。置瑟起對也。撰。臭也。爲政之臭也。何傷乎。亦各言其志也。各言己志。於義無傷。宗廟

會同。非諸侯而何。赤也爲之小。孰能爲之大。明皆諸侯之事。與子路同。徒笑子路。不讓也。赤謙言小相耳。誰能爲大相者也。何晏曰。率爾。先三人對也。方。義方也。方六七十。如五六十。永性謙退。言欲得方六七十。如五六里小國。治之而已也。爾雅曰。穀不熟爲饑。蔬不熟爲饉。朱熹曰。率爾。輕遽之貌。構管束也。二千五百人爲師。五百人爲旅。因。仍也。方六七十。如五六十。

如。猶或也。端章甫。願爲小相焉。端。玄端。服。章甫。禮冠。相。贊君之禮者。言小亦謙辭。點爾何如。四子侍坐。以齒爲序。則點當次對。以方鼓瑟。故孔子先問求。而後及點也。浴乎沂。風乎舞雩。詠而歸。浴。盥濯也。今上已祓除是也。沂水名。在魯城南。地志以爲有溫泉焉。理或然。風。乘涼也。詠歌也。其言不讓。是故哂之。夫子蓋許其能。特哂其不讓。唯求則非邦也與。安

見方六七十。如五六十而非邦也者。曾點以冉求亦欲爲國。而不見哂。故微問之。而夫子之答無貶辭。蓋亦許之。唯赤則非邦也與。宗廟會同。非諸侯而何。赤也爲之小。孰能爲之大。此亦曾哲問。而夫子答也。孰能爲之大。言無能出其右者。亦許之之辭。馬融曰。哂。笑也。皇侃曰。齒本曰。哂。大笑。口闊則哂。見。鄭玄曰。非曰能之。願學焉。我非自言能也。願學子爲之。宗廟之事。

謂祭祀也會同。諸侯時見曰會。殷見謂同。
包咸曰。春服既成者。衣單袷之時也。邢昺曰。
雩者。祈雨之祭名。使童男女舞之。春官
巫職曰。旱暵則舞雩。因謂其處爲舞雩
之處。有壇壝樹木。可以休息。故云風雩舞
雩也。周生烈曰。吾與點也。善點之獨知時
也。鸞曰。子棄之國。攝乎大國之間。加之以
師旅。因之以饑饉。春秋之時。小國於大國。
命令無常。難供給焉。况復師旅不息。饑

饉仍臻。唯首尾是懼。而知義方者也。按曾
點亦非無爲國之志。而知時之不可。其
所志在安命。不欲言爲國之事。孔子以爲
國問之。不當以已今日之事對之。故曰。異乎
三子者之撰。此所以待後命也。孔子果曰。何
傷乎。亦各言其志也。然後所對如北。不唯
寥寥然狂者。可謂知命之君子也。故孔
子歎而與之。

顏淵第十二

顏淵問仁。子曰。克己復禮爲仁。一日克己復禮。天下歸仁焉。爲仁由己。而由人乎哉。顏淵曰。請問其目。子曰。非禮勿視。非禮勿聽。非禮勿言。非禮勿動。顏淵曰。回雖不敏。請事斯語矣。

馬融曰。克己約身也。孔安國曰。復反也。身能反禮。則爲仁矣。行善在己。不在人也。太宰純曰。春秋傳。仲尼曰。古也有志。克己復禮仁也。由此觀之。克己復禮。古志之語也。已。

卽身也。復反復也。反復禮。猶易言反復道也。言不違禮也。爲猶行也。天下歸仁焉。此以效言之歸。猶與也。包咸曰。請問其目。知其必有條目。故請問也。王肅曰。請事斯語矣。敬事此語必行之。鸞曰。克己復禮謂納身於禮也。此約禮之事。而所以爲仁也。克如易之子克家之克。謂能脩其身也。馬融訓克己爲約身。亦謂以禮約身也。言能脩己。反復不違禮者。

是爲仁者也。禮先王之禮也。夫先王之道仁而已矣。仁善之統名。而禮樂所以爲仁之具也。苟能脩己不違禮。則仁德由此以成。無行而非仁者矣。故若或一日克己復禮。天下之人皆歸與我仁也。一日猶言一旦也。天下言其效之速且大。無不與我者也。仁非不可及者。已行之則是也。非假他人之力。非禮者謂不善。卽不仁之謂也。四目亦克己復禮之事。謂爲

仁也。非謂如此而後可以至爲仁也。

仲弓問仁。子曰。出門如見大賓。使民如承大祭。已所不欲。勿施於人。在邦無怨。在家

無怨。仲弓曰。雍雖不敏。請事斯語矣。

孔安國曰。爲仁之道。莫尚乎敬也。邢昺曰。大賓。公侯之賓也。大祭。禘郊之屬也。包咸曰。在邦爲諸侯。在家爲卿大夫。大宰純曰。承。猶奉也。出門如見大賓。使民如承大祭。敬也。已所不欲。勿施於人。恕也在邦

無怨。在家無怨。此二句以效之。左氏傳載。臼季曰。臣聞之。出門如賓。承事如祭。仁之則也。蓋古有斯語。而孔子亦誦之。以告仲弓也。鸞曰。出門當慎威儀。故如見大賓也。使民不須妄使。故如承大祭也。

司馬牛問仁。子曰。仁者其言也訛。曰其言也訛。斯可謂之仁已矣乎。子曰。爲之難。言之得無訛乎。皇本斯下有可字之仁下有已字從之

七十二弟子解曰。司馬犁耕。宋人。字子牛。

孔安國曰。訛難也。行仁難矣。言仁亦不得不難。太宰純曰。斯可謂之仁已矣乎。司馬牛聞夫子之言。以爲言訛之爲仁。恐非其至者。故重問也。斯猶即也。朱熹曰。夫子以牛多言而躁。故重問也。斯猶即也。朱熹曰。夫子以牛多言而躁。故告之以此。楊時曰。觀此及下章再問之語。牛之易其言可知。

司馬牛問君子。子曰。君子不憂不懼。曰。不

憂不懼。斯可謂之君子已矣乎。子曰。內省不疚。夫何憂何懼。皇本斯下有可字君子下有也字從文

孔安國曰。牛兄桓魋。將爲亂。牛自宋來學。常憂懼。故孔子解之。包咸曰。疚病也。內省無罪惡。無可憂懼也。皇侃曰。內省。謂反自視己心也。大宰純曰。牛之憂懼。誠人情也。然兄弟之惡。已能赦之者。固當赦之。赦之而弗止。則已末如之何。雖憂之無益也。已兄弟天倫也。不幸而罹其禍。

歟。命也。不可逭也。雖懼之。無益也已。中庸曰。君子內省不疚。無惡於志。若然者。何憂何懼。非謂其於兄弟之惡。憇爾弗憇也。

司馬牛憂曰。人皆有兄弟。我獨亡。子夏曰。商聞之矣。死生有命。富貴在天。君子敬而無失。與人恭而有禮。四海之內。皆爲兄弟也。君子何患乎無兄弟也。亡音無皇本皆下有爲字從文鄭玄曰。牛兄桓魋行惡。死喪無日。我獨爲

無兄弟也。邢昺曰。亡。無也。荻生茂卿曰。死。生有命。言其不可辭也。富貴在天。言其不可求也。太宰純曰。命者。天命也。有命。在天。互言之耳。鸞鷟曰。敬而無失。敬事而無過失也。

子張問明。子曰。浸潤之諧。虧受之懇。不行焉。可謂明也已矣。浸潤之諧。虧受之懇。不行焉。可謂遠也已矣。漢書。諧作訴。

鄭玄曰。諧人之言。如水之浸潤。漸以成之。

馬融曰。虧受之懇。皮膚外語。非其內實也。邢昺曰。懇亦諧也。變其文耳。鸞鷟曰。虧受之懇。諧者構成人之過惡。其人皮膚受毀。而實無罪也。不行焉。謂不惑於諧者也。明者。智之明也。遠者。謂明之及遠。而不蔽於近也。

子貢問政。子曰。足食足兵。使民信之矣。子貢曰。必不得已而去。於斯三者何先。曰。去兵。子貢曰。必不得已而去。於斯二者何先。曰。去食。自

古皆有死。民無信不立。

皇本民信上有使字從之去
起呂反下同陸德明曰一讀

而去了於斯爲絕句皇本無
朱之子貢二字無作不

太宰純曰。足食足兵。足謂不匱乏也。食粟米也。兵。五兵之總名。凡車甲器械。可以用以攻戰者。皆其屬也。又執兵之人。亦謂之兵。古者寓兵於農。則兵亦民也。足食者富國也。足兵者強兵也。使民信之矣。使者爲政者使之也。信之者信法令也。鸞曰。自古皆有死者。有死於信者也。謂守死以

信之也。民無信不立者。民無信之。國家不立也。

棘子成曰。君子質而已矣。何以文爲。子貢曰。惜乎夫子說君子也。駟不及舌。文猶質也。質猶文也。虎豹之鞶。猶大羊之鞶。皇本成作城
韋末有也字鄭玄曰。舊說云。棘子成衛大夫也。駟不及舌。過言一出。駟馬追之。不及舌也。朱熹曰。疾時人文勝。故爲此言。太宰純曰。惜乎夫子之說君子也。九字一句。說君子。猶論君。

子。其意本不惡。惟出言有過。雖欲赦之。
不可及也。荻生茂卿曰。質者。質行也。謂
孝弟忠信也。文者。謂禮樂也。孔安國曰。
皮去毛曰韓。鸞鳴曰。棘子成疾時人過文。其
意賓爲文猶質也。質猶文也。無有差
等。何得文勝於質。故曰君子質而已矣。何
以文爲。此矯時人之激論也。其賓不謂必
不用文。子貢知其意。故曰。若謂文猶質也。
質猶文也。則虎豹之韓。猶大羊之韓。言

虎豹之所以爲虎豹者。以其有毛文也。君
子之所以爲君子者。文而已矣。苟以韓。則
虎豹猶大羊也。苟以質。則君子猶小人也。
文質有差等。不可謂文猶質也。質猶
文也。此言文之可貴也。孔子曰。文質彬
彬。然後君子。文質固不可偏廢。而忠信
君子之質也。雖有其質。無禮樂之文
者。鄉人也已矣。文之以禮樂。而後可以爲
君子矣。故孔子曰。文之以禮樂。亦可以爲

成人矣。可謂子貢能得孔子之旨者也。
哀公問於有若曰。年饑用不足。如之何。有若
對曰。盍徹乎。曰。二吾猶不足。如之何其徹也。對
曰。百姓足。君孰與不足。百姓不足。君孰與足。

鄭本饑作飢

鄭玄曰。盍。何不也。周法什一而稅。謂之徹。
徹通也。爲天下之通法也。孔安國曰。二謂
什二而稅也。孰誰也。朱熹曰。用。謂國用
也。魯自宣公稅畝。又逐畝什取其一。則

爲什而取二矣。故有若請俱專行徹法。
欲公節用以厚民也。

子張問崇德辨惑。子曰。主忠信。徙義崇德
也。愛之欲其生。惡之欲其死。既欲其生又
欲其死。是惑也。誠不以富。亦祇以異。
惡鳥路反誠詩

包咸曰。辨別也。旣欲其生。又欲其死。是惑
也。愛惡當有常。一欲生之。一欲死之。是心
惑也。鄭玄曰。誠不以富。亦祇以異。此誇
成作

小雅也。祇適也。言此行誠不可以致富。適足爲異耳。太宰純曰。崇德辨惑。樊遲亦有此問。胡寅疑。或古有是言。或世有是名。既欲其生愛惡無常之尤。是惑也。程頤曰。誠不以富。亦祇以異。此錯簡。當在第十六篇齊景公。有馬千駟之上。因此下文亦有齊景公字而誤也。鸞鳴曰。崇德者使德積而高也。

齊景公問政於孔子。孔子對曰。君君臣臣。

父父子子。公曰。善哉。信如君不君。臣不臣。父不父子。不子。雖有粟。吾焉得而食諸。

陸本吾下有焉

字從之音於虔反皇本或作豈陸德明曰一本無吾字

朱熹曰。齊景公名杵臼。是時景公失政。而大夫陳氏厚施於國。景公又多內嬖。而不立太子。其君臣父子之間。皆失其道。故夫子告之以之。其後果以繼嗣不定。啓陳氏弑君篡國之禍。孔安國曰。雖有粟。吾焉得而食諸。言將危也。

子曰。片言可以折獄者。其由也與。子路無宿諾。

魯論折作制與音餘

邢晏曰。折猶決斷也。程頤曰。子路之言信。故片言可以折獄。朱熹曰。片言半言也。子路忠信明決。故言出而人信服之。不得其辭之卑也。子路無宿諾。記者因夫子之言。而記此以見子路之所以取信於人者。由其養之有素也。何晏曰。宿猶豫也。子路篤信。恐臨時多故。故不豫諾也。

子曰。聽訟吾猶人也。必也使無訟乎。

包咸曰。言與人等也。王肅曰。化之在前也。

子張問政。子曰。居之無倦。行之以忠。

太宰純曰。兩之字。皆指政。居之無倦。居之者。身處其職位也。無倦者。詩所謂不解于位之謂也。行之以忠謂視官事。如家事也。

子曰。君子博學於文。約之以禮。亦可以弗畔矣夫。皇本曰下有君子二字從之

邢疏或本亦
有君子博學
於文

朱熹曰。重出。

子曰君子成人之美。不成人之惡。小人反是。
朱熹曰。成者誘掖獎勸以成其事也。太宰純曰。美者謂德行道藝之可觀者也。
季康子問政於孔子。孔子對曰。政者正也。子帥以正。孰敢不正。帥所律反皇本以作而

太宰純曰。此舉政字之本訓以答。政者所以正人之不正也。胡寅曰。魯自中葉政曰大夫。家臣效尤。據邑背叛。不正甚矣。故孔子以是告之。

季康子患盜。問於孔子。孔子對曰。苟子之不欲。雖賞之不竊。皇本子文無之字

邢昺曰。苟誠也。孔安國曰。言民化於上。不從其所令。從其所好也。太宰純曰。凡非其有而取之者皆盜也。當此時。魯四分公室。而季氏取其二。則季氏之爲盜大矣。民之爲盜固其所也。故夫子曰。苟子不欲。雖賞之不竊。不欲即不盜也。不言盜者。諱之也。

季康子問政於孔子曰。如殺無道以就有道。

何如。孔子對曰。子爲政焉用殺。子欲善而民善矣。君子之德風也。小人之德草也。草尚之風必偃。焉於處反皇本有二也字
皇本陸本上作尚皆從文

孔安國曰。亦欲令康子先自正也。偃仆也。加草以風無不仆者。猶民之化於上也。陸德明曰尚加也。太宰純曰。就去就之就。猶從也。有道謂有道之人也。書昌曰。爾惟風下民惟草。孔子之言本於此也。

子張問。士何如斯可謂之達矣。子曰。何哉爾所

謂達者。子張對曰。在家必聞。在邦必聞。子曰。是聞也。非達也。夫達者也者。質直而好義。察言而觀色。慮以下人在。在邦必達。在家必達。夫聞也者。色取仁而行違。居之不疑。在邦必聞。在家必聞。夫音符。下同。好呼
輒反下遐嫁反

菑生茂卿曰。聞者。主名之聞於世而言之也。達者。主我道之行於世而言之也。質直。不事矯飾也。好義。不苟阿也。察言而觀色。察人之言。觀人之色也。慮者。謂用心。

委曲也。皆有遜志柔順意。雖不矯飾不苟阿。而亦必柔順謙卑。乃達之道也。太宰純曰。在邦必達。在家必達。無所不達。不特名譽。發聞也。色取仁而行違。色者。言顏色而兼容貌也。取仁猶云假仁也。言非已有也。行違者。其行事違仁也。居安居也。之字。指上文所云。不疑者。自是也。言其行事如是。而人莫之察。則已自憇不已。亦能致名譽。在邦在家。往往必聞。雖世俗所艷。而君子弗

取也。鸞曰。何哉爾所謂達者。孔子慮子張誤以聞爲達。故先反詰之也。在邦在家。與仲弓問仁。章同。包咸云。在邦爲諸侯。在家爲卿大夫。

樊遲遊於舞雩之下。曰。敢問崇德脩慝。辨惑。子曰。善哉。問先事後得。非崇德與。攻其惡。無攻人之惡。非脩慝與。一朝之忿。忘其身。以及其親。非惑與。與音餘下同。皇本無作母

太宰純曰。隱慝爲匿。脩慝。俾慝不作也。邪

晏曰。善哉問。其問皆脩身之要。故善之。政治也。朱熹曰。先事後得。猶言先難後獲也。范祖禹曰。先事後得。上義而下利也。人惟有利欲之心。故德不崇。唯不自省已過。而知人之過。故惡不脩。感物而易動者。莫如忿。忘其身以及其親。惑之甚者也。惑之者。必起於細微。能辨之於早。則不至於大惑矣。故懲忿。所以辨惑也。

樊遲問仁。子曰。愛人。問知。子曰。知人。樊遲未

達。子曰。舉直錯諸枉。能使枉者直。樊遲退。見子夏曰。鄉也。吾見於夫子而問知。子曰。舉直錯諸枉。能使枉者直。何謂也。子夏曰。富哉言乎。舜有天下。遷於衆。舉皋陶。不仁者遠矣。湯有天下。遷於衆。舉伊尹。不仁者遠矣。問知之知音智下問知同錯七故反字亦作措鄉許亮反又作曰鄉吾見之見賢退反皇本言上有是字

萬反于遠

太宰紈曰。臯陶謨曰。都在知人在安民安民即愛人也。又曰。知人則哲。能官人。安民則惠。黎

民懷之。孔傳。哲智也。惠愛也。是知孔子之言有所本也。選於衆。言於衆中選擇而取之也。朱熹曰。富哉言乎。歎其所包者廣。不言知。鸞曰。愛人知人。以爲政言之也。樊遲未達此記者之辭也。愛人知人。仁知之大者也。至其極功。則堯舜之治天下亦不過之也。樊遲未達於孔子之意。蓋以爲以士之處世。交人者告之。此近小者。而非仁知之至者。故孔子復言爲政在此二者。而至

遠大。以達其意也。舉直錯諸枉。解見爲政篇。舉直者。知人也。則官人也。能使枉者直者。愛人也。則安民也。知莫大於知賢才。以舉之。仁莫大於民徙善。以安之。吾見於夫子而問知孔子之所答。兼仁知。樊遲亦未達以爲專爲知發之。故不言間仁。子夏知孔子兼言仁知。故歎曰。富哉言乎。舉臯陶。舉伊尹。所以知人也不仁者遠矣。所以愛人也。不仁者遠者。人化而徙善。

不仁者退去也。

子貢問友。子曰。忠告而以善道之。不可則止。無自辱焉。

皇本而下有以字從文道音
導皇本不可作否無作毋

朱熹曰。忠告盡其心以告之。包咸曰。以善導之。不見從則止。必言之。或見辱也。

曾子曰。君子以文會友。以友輔仁。

孔安國曰。友以文德合也。友有相効磋之道。所以輔成己之仁也。太宰純曰。文謂詩書禮樂也。文吾所學習。學習所以會友。

也。

